



## Universitätsbibliothek Paderborn

**Evropeae Historiae Societatis Iesv Pars ...**

Anglia

**Bartoli, Daniello**

**Lvgdvni, 1671**

Capvt XIII. Vvestoni labores in subsidium animarum. Seuera vltio  
Protestantium vitam ducentium, falsa Catholicæ mortis fiducia. Vvestonus  
carcere clauditur. Antonius Babingtonus aliena fraude, ...

**urn:nbn:de:hbz:466:1-10773**

Vestoni labores in subsidium animarum. Seuera  
vltio Protestantum vitam ducentium, falsa Ca-  
tholica mortis fiducia. Vestonus carcere claudi-  
tur. Antonius Babingtonus aliena fraude, con-  
iurat cum aliis. Regina Scotia liberationem.  
Vestoni potestas in malignos spiritus. Illius  
examen cum clorum examine collatum.

## CAPUT XIII.

**A**NTIS tam crebro defunctus periculis Vestonus, nunquam tamen sibi ab iis aut retardatus est adeundis quoties foret vel à Catholicis vel à Protestantibus expetitus cordatis præcipue ac sensus idonei ad percipiendam veritatem, ea tamen ubique cautione, quæ temeritati non plus tribueret quam feroi. Quare aures interdum consitentibus dabat inambulans velut cum iis familiariter colloquens; & more salutantis sub discessum absolvebat. Diuinam Eucharistiam in hospitiis publicis ( ut minus suspectis ) aut in sylvis & ruri, pro necessitate temporum, & personarum ministrabat, reiecto nihilominus conditionis splendide ornatu, quam vir opulentius simulari ab eo voluerat, ut circumduceret eum suo sumptu secum ad lustrandas, & exolendas sacris Catholicorum domos; pompam illam vir Dei censuit Christi Sacerdotem minimè decere, religiosum pauperem multo minus, modos ei longè diuersos suppeditauit Deus, quibus conuersionem Comitis Harondelli, Philippi Huuardi magnificè ad felicem exitum perducit. Fuit is facile inter proceres aulæ primus & nobilissimus; inter Catholicos, virtute ac meritis singulariter illustris, hunc necessarij arcani seruata cautione diuinis imbutum impertitumque mysteriis, eo fidei sacrosanctæ ardore incendit ut paulo post tentus, libertatem gratuitam repudiauerit, quod sibi haec lege deferretur ut Archiepiscopo Cantuariensi adhaereret, fautori Protestantum insigni, conditioni sacrilegæ, annorum plus decem, voluntarium carcerem prælulit ubi seu veneno, siue longa malorum perpeccione extinctus est. Quo vitæ suæ articulo eius memor cui salutem post Deum debet, Patri suo Vestono grati animi pignus breuiarium suum misit, donum quidem tenue Principis pro Christo pauperis, verum ut vulgo vocabant Catholicæ, martyris, idcirco maximè pretiosum hoc P. Garnetus cui creditum

credimus fuerat ut transmitteretur Vvestono in carcerem committendum  
hæreticis haudquam censuit, ne hoc ipso quod sacrum fieret illis exe-  
crandum.

Illorum ex numero quos aut reuicit disputando, & concionando aut  
Christo & Ecclesiæ reddidit, vnum ipsem refert exempli æternum me-  
morandi. Senex erat in paucis doctus, iurisque potissimum peritus, & quod  
ei exitio fuit locupletissimus, quem vnum ex suis factum Catholicæ deser-  
torem, rationes domesticæ impellebant vellet magis hæreticus videri, quæ  
esse terebat assidue nostros Theologos, quorum abundabat copia, sed re-  
felliendi ut plurimum studio, non probandi, rationum argutiis id agens so-  
lum ut nanciseretur perplexæ, agitatæque perpetuo conscientiæ quietam  
stationem, quam in probabili Catholicorum, & Protestantium approba-  
tione, persuadebat sibi vel inuito posse statuere. Conuenit senem male fe-  
riatum, rogaru filij Vvestonus, eiusque se primum in notitiam dedit post  
etiam in familiarem, dissimulato semper Sacerdote, explicatisque illi Theo-  
logorum nostrorum sententiis, illam ei absterrit epiphoram qua sibi oculos  
gaudebat suffundi, ut posset tranquillè duobus dominis seruire, quem et-  
torem tam clarè Vvestonus illum dedocuit, suasitque tam indubitanter ex-  
tra Catholicam spem cuiquam salutis nullam esse, ut magnis vocibus in-  
ueheretur aduersus hæreticos, tenebrarum autores, veri hostes, & profili-  
gatores, qui regnum erroribus inuoluissent; violatores vocaret diuini, &  
humani iuri futuri, perinde incurios; ut si nulla restaret post hanc vita fu-  
rias, dæmones, natōsque in perniciem hominum, ut qui suos secum ciues  
desumi cuperent penitus, & perire; nihilque sibi deinceps cum iis fore iu-  
raret hæc & similia indignans & ardens, cum vociferatus saepius in eos  
esset, retorto mox in dampna oculo, quæ illum manerent: ubi se primum Ca-  
tholicum proderet, iactaram rei omnis tot sudoribus partæ, saginan-  
dos ea impurissimos latrones, vitæ periculum, mendicitatem filiorum,  
crudeli eorum misericordiæ supplicem, redibat, miser in iactationes pri-  
stinas, quibus sedandis statuit, denique præferre Protestantem, Catho-  
licum animo premere, deceptione sui blanda, seruandis temporariis, &  
æternis, secum vtraque perdere. Verum enim vero scelerati huins, & des-  
peratae mentis cum probè agnosceret lethalem culpam, & intelligeret non  
posse nisi pœnitentiæ deleri sacramento, excogitauit stolidus diuina iudi-  
cia humano inuento eludere, illaque prudentia salutem in tuto locare,  
quam mundi huius prudentiam vocavit Apostolus, magistrum consiliorum  
insipientium fatuam, quibus plærius hominum imbuti, videntur sibi plus  
Deo sapere; domos habebat duas Londini alteram, alteram suburbanam,  
quas alternis & statis anni vicibus incolebat, utrobique in illic parauit sibi  
Sacerdotem, qui vtraquis in domo periculosè ægrotasset, præsto adesset mor-  
ienti, & ab simulatæ perfidia hæresis, auditum absoluueret. Dum ergo ex  
vna in aliam transit, morbi violentia repente corripitur tam saeuia; ut mori-  
se sentiens, præcipitari iuberet, ad accersendum Sacerdotem, quem ex duo-  
bus in proximo habebat, ne impiatus interiret. Cursu itur, redditur, Sacer-

dos sicut non iam moribundo, sed mortuo vehementia paroxismi lethalis, quæ in hospitium publicum cum compulerat. Sic duos alens Sacerdotes ut confidentius improbè viueret, vti neutrò valuit ut fidenter, & piè obiret. Sequitur Vvestonus similia referens; sed mali huius pestilentissimi, stulta pia mortis fiducia, impiam ducentium vitam, origo fuit amor caducorum impotens atque indomitus, quo multis deinceps annis sequentibus, Anglorum plurimi laborauerunt. Deo propterea tantoperè exosi, vt profana, & impiata morte confessionem luarent imprudenter eo usque dilatar, ad quam domi unum Sacerdotem, aliqui & duos in procinctu semper habuerant; horum vero tam multi exemplo terribili sapere alios docuerunt, ut possit ex iis volumen integrum compilari.

Cœterum Vvestonus his & laboribus, & periculis insidans, & immorans, dum redit Londinum de appulsa cognoscit Henrici Garneti, & Roberti Sotuelis, suo quidem cum incredibili gaudio, sed multo maiori cum Robertum coram, nihil tunc minus expectans adesse conspexit, postque suauissimas vtrinque salutationes, Romanis nostrorum de rebus & accepit ipse, & de Anglicanis vicissim reddidit.

Re quidem vera difficile dictu est in regnum Angliæ an viri unquam tres, de Societate tribus istis pares conuenerint, in quibus pariter & præstantia virtutis, aut doctrina excellens emineret, aut laborum splendor, & Religionis amplificatae decus eximium, duorum sanguine confirmatum, & longo tertij annorum septendecim martyrio magis quam carcere, de quo inferius dicendum. Nunc mutua breni portis consolatione moram omnem Londini iudicauit Vvestonus periculi plenam, quod sub omni saxo lateret scorpius; hoc est explorator plerumque Catholicum indutus, re ipsa deseritor, & proditor.

Postridie igitur ad leucas decem, perduxit illos in domum Catholicæ religionis ac sanguine nobilis, qui non verebatur, direptione honorum, exilio, perpessionibus, & omni denique suorum prærogatiuo decorare nomen Catholicæ, mortisque adeò non dubia expectatione: nisi eam Comes Leycestrensis moriens præuertisset, illic pari exceptos comitate, & reuerentia dies octo secum detinuit; securitati fauebat loci solitudo, pietati facellum ornatu egregio, hydraulis, & vocum symphonia locuples, partim domestica, partim suam ultro præbente operam; nulloque in iis nisi masculæ virtutis & Catholicæ roboris: unus ab iis inter omnes suspiciebatur, pastor quem hoc dupli nomine domi habere honori ducebant qui sanctimoniam deinde, morte pro fide obita coronauit. Ibat tempus omne matutinum in officia diuini cultus; diurnum consulendo: quibus auxiliis iuuari res possent Catholicorum miserè afflictæ. Quo peracto Vvestonus suas sociis diuisit ad excolendum Provincias; Catholicas assignauit domos eorum receptui promptas, iteratisque complexibus ultimis, & felici adprecatione suam quisque in sortem discessere nunquam mutuo reuisuri. Desiderabatur Oxfordij Vvestonus, seu quod vulgo dicitur Oxonij ubi eius consilio & ope indigebat Catholicorum familia nobilis, & constans; qua charitatis

Charitatis opera perfunctus, Londinum versus remensus est iter, & cadente iam in noctem sole, de via regia deflectens, in solitariam amici domum recepit sese procul frequentia syluosis abditam, & voto suo veteri mirè aptam, sui nimis colligendi, agendique seorsum, velut extra mundum de se uno, & solo cum Deo, quod etsi pridem optauerat, sed ante aduentum siorum, non sustinuerat, cuma esset solus, Catholicorum necessitatibus deesse, at enim seruo suo Deus secessum destinarat in posterum diem, haud paulo magis ab interpellaturis, solum ad explendam meditando, & precando mentem diurnum, vix domi quam dixi constiterat, & adest prope unum nobilium par, notæ perspectæque virtutis, multisque precibus Londinum reducunt ad opem familiæ Catholicæ repentina ex casu grauiter laborantis. Die proximo albescente, in urbis conspectu, diueriunt ad sua nobiles; Vestonus quod accersebatur, & erat domus foro vicina rusticæ, infrequenti situ, rarissime trito prætereuntibus: respexit nihilo signius ecquis à tergo sequeretur, viditque hominem, & solum & inermem quod fori capitalis satellites non solent proinde sibi minimè suspectum, qui tamen pulsantem ad fores ædium asscutus, brachio prehendit, iussaque Reginæ nomine ad tribunal sequi, quod se ultro facturum respondit Vestonus, tantumne alterius loco & nomine per errorem comprehendetur. Nullus hic error est, refert explorator; ipsissimus es quem volo Edmundus Vestonus Sacerdos Catholicus, idemque Iesuita, Guillelmum enim Vestonus in Edmundum mutarat, pro sua in P. Edmundum Campanum pietate ac reuerentia; restat igitur hoc tantum, opponit Vestonus palam facias qua me potestate detineas; alias nec potes me per remorari, nec ego iubenti patere debedo: Ecce, infert ille, mandatum quod postulas, & sibi exemptam seriem nominum bene longam quos iussus fuerat capere legendam obiicit, sed in iis Vestonum Edundi nomine cum nusquam cerneret, negare fortiter posse ab illo iure teneri, & abduci; at ille constanter instare, scriptus forer inter alios an non, sibi sufficere quod quem iussus erat querere inuenisset, dumque inter se altercantur, litem breui bubulcus præteriens diremit, sublato siquidem in Vestonum fuste aut sequere sis absque mora, aut ego te inquit istum in caput vibrans, se-pelibilem sterno. Sic proditione fisci Catholici deprehensus, & captus Vestonus post dictum multorum insidias quas ei ad portas Londini tenderat, ut ex datis ab exploratore sceleroso indicis sifteret occurrentem. Gratulatus est sibi mirifice hanc prædam Valsinganus, qui à proditione, ad hoc eius caput anteueterat emere, ut ad furcas Tibornas solenne de illo spectaculum ederet, ac si alias unquam Catholicis maximè ignominiosum, (cuius se breui aperiet causa) aliunde Vestonus pro grandi suo tranquilli animi labore pergebat lætus in carcerem, quam alacritatem augebat vicina spes sollicitudinis deponenda qua semper anxiè stringebatur, ne cui suorum hospitum crearet periculum, eoque ab aduersariis interciperetur & loco, & tempore, ne illos sua causa in mortem, aut vincula raperent; cuius sui perpetui voti abunde compotem Deus fecit, & sic moratum di-

gessit momenta quæ pulsantem fores detinebant, ut sequi prius lictorem cogeretur, quam panderentur fores; at non æquè illi processit quod sperabat, turrim nempe suæ huius viæ sibi metam, & terminum fore: illic enim & carcer crudelior, & immaniora torquendis fontibus inuenta, & truciores carnifices. Iam ipsi aliam Vualsinganus meditato pararat custodiā in cubiculo duabus aperto fenestrīs, altera in forum proximè obuerfa; in Tamesim altera, custode adiuncto milite à quo diu noctūque seruatur. En autem illic peracti tridui nocte intempesta æra vrbis campana omnia, in sonos agi solennes & festos; mirari Vestonius ad rei nouitatem; causam eius scitati à custode, qui nihil cunctatus hoc esse respondit publicæ alacritatis sonos ob deprehensam à regni Consiliariis Papistarum coniurationem oppido formidandam in regnum, & Reginæ caput, ad substituendum illi Mariam Scotiæ; reuocandum ad Catholicos regnum; statuendum in Sede Londinensis Episcopi Edmundum Vestonum Jesuitam, nominauitque illi ex coniuratis aliquot sibi notos, iuuenes, nobiles, orthodoxos, ex quibus non temere confecit, hanc esse vnam ex fabulis, Ministrorum fraude confungi solitis ad Catholicorum inuidiam, odia, & damna; ministerij vero sui commendationem ad populum & Reginam, sua toties fide ac vigilancia seruaram ex quo plebi daretur coniuci, vexationes, & cruciamenta iure Catholicis infligi, non crudelitate, quam stropham Vestonius inter consuetas sibique diu notas, vel hoc ipso habendas creditit quod in ea personam induceretur agens præcipuam, partesque Episcopi Londinensis; sed hinc nihilominus angi animo cœpit ne gravissima tempestas Catholicorum rebus ingrueret vtpote Valsingani nimium conscientis cui erat solenne fictis quas luberet rebellionibus, veri speciem certique addere, ad hanc quidem se tantum argumenti & coloris tenere aduersarij censuerunt ut ei ingentem illi falsitatis appinxerint machinam, testibus quoque ad posteros eorum historicis, haud ita tamen ad sua comoda prudenter mendacibus, ut non etiam incaute, gestorum veritati auctoritatem fecerint, quam promulgavit postea Robertus Sothuuellus qui & rebus interfuit, & inter historicos Angliæ magnificè claruit; en ergo paucis quæ ex vero scripsit Antonius Babingtonus Dethikij natus in comitatu Darbiensi, familia nobilis, ingenio, literis, opibus nequaquam vulgaribus, præ ceteris autem synceri fuit, & candidi pectoris miraque ingenui quodque in illum ardentius accedit rot oculos aduersariorum in ruinam veræ pietatis, & Religionis arrectorum, tenacissimus Catholicæ fidei.

Ob hæc mentis & ingenij decora, Valsinganus idoneum ratus est ut familiaribus sibi dolis in rerum nouarum studium ageret in quo multis cum similibus periret. Duos ergo de suis adolescentes legit, eruditiores ceteris perfidiosæ quam ei præstabant operæ, docuimusque illos Balbingtonum qua circumducerent, donec in ruinam dedissent præcipitem. Aggreguntur imperata, homini se sensim insinuant Religionis Catholicæ latua, graphicè personati; amicitiam eius captant, fidei ardore æstuant, eiusque

que apud illum statum deplorantes infelicem paulatim alliciunt, ut de remedii cogitationem, & sermonem inferret, ac de solienda tyrannide illorum, ac istiusmodi, quos de nomine notabant ministrorum, totiusque publici Senatus. Quid plura eò tandem appellitus ut clare satetur vnum superesse tot malis remedium, quo nullum iustius, & magis expeditum, liberationem videlicet Mariae Scotiae ex arce qua detinebatur, ( quod paucis armatis prouum foret ) & transmissionem in Gallias ad Duces Guisios ipsius propinquos. Hoc solo vices rei Catholicæ vertendas in oppositum sua sponte, regni ministros minimè dubios Reginæ post Elizabetham in regnum successuræ, temperaturos mature odiis quibus tunc furebant in Religionem Catholicam, nec fore immemores Reginæ summè Catholicæ gestorum quandoque sibi reddendam rationem, inductisque animo sensibus quos solet in fatuis etiam spes, & metus acerrimos parere, abstituros à Catholicis, viræ suæ periculo vexandis, & professuros saltē exterius conseruationem Religionis quam oderant, hæc neque his plura, nec planè diuersa Babingtonus ab emissariis perfidis Vvalsingani suggesta non tantum probauit, sed aliis item ad quatuordecim, rei peragendæ se ducem præbuit, haud quidem ut caput Elizabethæ peteretur, aut acclamaretur Maria in Reginam, ( quæ duo ad summam inuidiam Protestantes non sunt veriti addere, illorum vero historici, eiusmodi cumulare mendaciis, ut iis reuincendis sufficiat auctorum inter se pugnantia, et si aliqui non incredibilia per se viderentur, vera quidem & certa fraus duorum quos instituerat ad perfidiam Vvalsinganus, verè ab iis confitæ literæ, & legationes Mariæ Reginæ Babingtonum hortantis ad confidendum negotium, & magnis promissionibus animantis, verè ab iis falso spes Guisios attributæ, adfuturi præsto exercitus validi, ad fugam Mariæ turò deducendam. Vera quoque arcana falsitas quo sollicitari fingebarur scriptis & nunciis Rex Scotiae Iacobus necessariis adesset præsidiis ad matris liberationem. Concinnata in hunc modum fraude, indicisque subornata veris, falsis, ad Catholicorum criminationem, & exitium; ad Mariæ Reginæ certam necem, proinde nunquam Anglorum dominio potituræ, Vvalsinganus eorum instruens diario quæ dicta, factaque quotidie fuerant, solertis ingenij solers, & fidelitatis meritum cœpit sibi ex eo captare, iis palam nudandis tanquam recens conuentis, sibi nunquam antea compertis. Babingtonus cum sociis capitulatur, cognitorum subduntur examini, confitentes damnantur, ex iis septem spirantibus, viuis reuelluntur vitalia anni 1586. Septembri mense, die in sequenti, cum aliis septem aliquanto mitius agitur quod efferatus horrore populus præcedentis diei carnificinam insolentem abominaretur.

Spectabat interea Vveltonus per sesqui ferè mensem qua solos, quæ simul, quæ illorum insidiis vocati, in suspicionem, duci, & aduerso Tamisi feralem barcam è Turri soluentem reis onustam Catholicis probè sibi de facie notis, qui militari præsidio septi diligent, & firmo deportabantur Vvestminsterium ad tribunal confessiones spontaneas, vel carnificum ex-

Pp

tortas brachiis ore tunc libero facturi ratus, auditurique mortis suæ supremum à duodecimuisis iudicibus carmen: confuxerat populi ad spectandos illos multitudo ingens, quorum ex obuersis in forum publicum carcere sui fenestrarum Vestonus audiebat confusos, & rabidos fremitus; dehinc articulatè, horrenda in Papam, Catholicos, Mariam Scotiæ, Jesuitas, nominatimque in seipsum, quem nemo erat quin iuraret rebellionis huius architectum, fuitque necesse innocentiam illius esse in illo tribunal aperiorem meridiano sole, quam nec vulgi fama, vel ream, vel sociam reorum facere potuit, quod futurum omnino erat, nisi veri evidentia reos adegisset ad eam suo testimonio confirmandam: nihil omissum est doli, aut calliditatis à sagacibus illis versandorum reorum, & implicandorum magistris, quod non exercearent, ut suspicionis umbra saltet in Vestonum ex quatuordecim eorum deflecti responsis videretur posse; his tamen tam certis innocentia illius probationibus minimè saturi, quotquot Catholicos anno proximo contigit ad eorum tribunal produci, non destitit etiam extra causam quæstionibus fatigare ut de Vestono syllabam explicantur aliquam, cui pro ingeniosa sua vaftitie apud duodecim iudices adstruerent machinam coniurationis tentatæ aut proditæ maiestatis.

Tandem adit Vestonum ex præcipuis vñus capitalium ministris; illoque de rebus Babingtoni levidens rogato, ac velut defungendi causa, sermonem detorsit in solennes Ecclesiæ aduersus dæmonem exorcismos, corumque vim miram quam stupebant in illo etiam Protestantes, ut cui singulare tribuissest Deus ad spiritus impios possessis corporibus, & locis exterminandos imperium. Et circumferebatur de illo certa illustris facti & freqnens fama magna, vi scilicet adactum dæmonem à Vestono, vi ex arreptitio quem occupauerat exiret, post clusa diu, & detrectata iussa, discessurum se denique, sed hac lege, dixisse, si per eum licet in Elizabetham Reginam transire, cui Vestonus; absit; tèque ab ea quam longissime, & vehementissime arcero; quin illi poniū felicia omnia & opto, & à Deo precor, ergo infert impurus spiritus, si per te licet, corpus tuum intrabo. Si per Deum licet, ipsèque id iubet, bonis aubis veni reponit pater; sed enim cacodæmon haud sum ista stolidè furiosus, ioco dictum putato, nihilo si quidem apud te futurus sim melius quam in piaculari concha lustralis aquæ quo dicto mox ab energumeno discessit magnam aquæ lustralis, quam ut Catholica omnia profanant ministelli, & sacrotum exturbando spiritus impuros, Ecclesiæ carminum publicè relinquens venerationem, ipsiusque adeò Vestoni. Qui translatus in ripam Tamis alteram, inductusque in honestam domum, sedere compulsiis loco digniori, & testo capite respondere iis comitatibus ab cognitore affectus est, ut illas Catholicos Sacerdoti, & capto editas habiturus esset miraculo similes, nisi fictas facile aduertisset. Quærebat ex illo de primatu, quem sibi Regina capitis nomine in Anglicana Ecclesia tribuebat; de potestate Papæ in nuptiis Henrici VIII. & Catharinæ, fratris illius viduæ; de Babingtono, & Maria Scotiæ; sed hæc obiter ferè, aliud enim spectabant

rogata,

rogata, quām quod præferebant, nempe ut Vvestono excuterent aliquid quo virum nobilem, cūmque locupletissimum, bonorum omnium iactura damnarent. Sed enim Vveltonus cautor in responsis, quam acuti forenes in quæsitis, nihil sibi excidere quod infonti posset officere nobili, quare intactis bonis, & innocentia integra, liber ab iis dimissus est. Vveltonus in suum carcerem, & sexto post mense in eum quem Clintum nominant perductus, magna quidem & saeva cognitorum suorum voluntate illius in destinatam reis insignibus, & enorribus coniiciendi turrem, si omnem se in partem agendo mali viri pilum deprehendere in illo potuissent, itaque Regina de illo sæpius inquirens, fateri demum coacta est Iesuitam Vvestonum probatæ perspectæque innocentia virum esse.



*Maria Scotia Regina solenni iudicio truncatur, causa iudicij huius quatuor. Huius mors, & virtus, etiam à Protestantibus celebratur. Societatem IESV quanti faceret, & quantum amaret.*

## C A P V T X I V .

**I**N T E R E A vero dum primos exigeret in suo carcere menses sex, longè grauior rerum moles Reginæ curas, Parlamenti consilia, & linguas populi occupauit causa videlicet toties memorata Mariæ Stuardi Reginæ ac matris Iacobi VI. qua Elizabethæ nulla erat sanguine propior, nulla post illam capessendo regno vicinior. Sonant passim historiæ, & theatra infelicissima Principis calamitatibus. Eius in Gallia, & Scotia infastæ nuptiæ. Eiusdem illic à fratre Notho vexatio. Regno pulsa fuga; excepta ab Elizabetha consobrina proditio, & career annorum octodecim decies sexies mutatus; ærumnarum sæpè lenitate, & acerbitate variatus, semper tamen à tantæ personæ dignitate alienissima, quam frustra dixerimus innocentem, cum vocabulum hoc Elizabethæ conscientiam nunquam momorderit, nec consanguineæ nomen amabile ad pietatem permouerit. Mariam potius innocentia titulo nihil grauius oneravit, cum motus Principum externorum omnes, & intestinæ coniurationes prætexi crederentur innocentia nomine ab oppressione liberandæ, quod suis quicunque rationibus priuatis attendebat id omne Mariæ nec Sociæ, sed neque conscientiae molitionibus, & crimine aggredi putabatur. Anni octogesimi sexti medio Octobri, conuenit Londino Forthringayum Northamptoni

P p 2